

სახელმწიფო შესყიდვის შესახებ
ხელშეკრულება N285

ქ. ჭიათურა

20 დეკემბერი 2023 წელი

ერთი მხრივ, სსიპ თვითმმართველი ერთეული ჭიათურის მუნიციპალიტეტი, წარმოდგენილი მუნიციპალიტეტის მერის გივი მოდებაძის სახით (შემდგომში - შემსყიდველი),

მისამართი: ჭიათურა, ნინოშვილის ქ.№7

საიდენტიფიკაციო კოდი: № 215609544

ტელეფონის ნომერი: 0479 25 10 81

საბანკო რეკვიზიტები: სს „საქართველოს

ბანკი“ ბანკის კოდი: BAGAGE22

ანგარიშის ნომერი: GE89BG000000951640600

და მეორე მხრივ, შპს „რუბიკონ ჯგუფი“, წარმოდგენილი მისი დირექტორის ქეთევან ნიკოლეიშვილის სახით (შემდგომში - მომწოდებელი),

მისამართი: ქ. თბილისი, კარტოზიას ქ. 10

საიდენტიფიკაციო კოდი: 405525999

ტელეფონის ნომერი: 577151010

საბანკო რეკვიზიტები: სს „საქართველოს ბანკი“

ბანკის კოდი: BAGAGE22

ანგარიშის ნომერი: GE55BG000000534239251

შემდგომში თითოეული ცალ-ცალკე წოდებული, როგორც „მხარე“, ხოლო ერთობლივად წოდებულნი, როგორც „მხარეები, გამარტივებული შესყიდვის საშუალებით, „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „დ“ ქვეპუნქტის და სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმები და გამარტივებული შესყიდვის ჩატარების წესის“ მე-3 მუხლის პირველი პუნქტის „დ“ ქვეპუნქტის „სახელმწიფო შესყიდვების სააგენტოს თავმჯდომარის 2023 წლის 13 დეკემბრის განკარგულება N3429-ის (SMP230003039) და საქართველოს მთავრობის 2023 წლის N2279 განკარგულების საფუძველზე დებენ წინამდებარე სახელმწიფო შესყიდვის შესახებ ხელშეკრულებას (შემდგომში — ხელშეკრულება) შემდეგზე:

მუხლი 1. შესყიდვის ობიექტის დასახელება და შესაბამისი CPV კოდი

1. ჭიათურის მუნიციპალიტეტში 2024 წლის 04 იანვარს საახალწლო ღონისძიების ორგანიზება.
2. ამ მუხლის პირველი პუნქტით გათვალისწინებული შესყიდვის ობიექტის CPV კოდია: 79952000 - ღონისძიებების ორგანიზება

მუხლი 2. ხელშეკრულების ღირებულება

ხელშეკრულების ღირებულება შეადგენს 205570.61 (ორასხუთი ათას ხუთასსამოცდაათი ლარი და სამოცდაერთი თეთრი) ლარს, საქართველოს კანონმდებლობით გათვალისწინებული გადასახადების ჩათვლით, დღგ-ს.

მუხლი 3. მომსახურების შესრულების ვადა

1. მიმწოდებელი ვალდებულია ხელშეკრულებით გათვალისწინებული მომსახურება განახორციელოს 2024 წლის 04 იანვარს.
2. მიმწოდებელი ვალდებულია სამუშაოები დაიწყოს ხელშეკრულების გაფორმებიდან 3 (სამი) კალენდარული დღის ვადაში.

მუხლი 4. ანგარიშსწორების წესი

1. ანგარიშსწორება მოხდება უნაღდო ფორმით, ლარში.
2. ანგარიშსწორება მოხდება ჭიათურის მუნიციპალიტეტის მერის ბრძანებით შექმნილი კომისიის მიერ ხელმოწერილი მიღება-ჩაბარების აქტის საფუძველზე.

მუხლი 5. წინასწარი ანგარიშსწორების პირობები

1. მიმწოდებელი უფლებამოსილია, შემსყიდველს წარუდგინოს წერილობითი თხოვნა წინასწარი ანგარიშსწორების თანხის (შემდგომში - ავანსი) გადახდის თაობაზე.
2. მიმწოდებელი არ არის უფლებამოსილი, შემსყიდველს წარუდგინოს წერილობითი თხოვნა ავანსის გადახდის თაობაზე, თუ იგი რეგისტრირებულია მოვალეთა რეესტრში, მის მიმართ რეგისტრირებულია საგადასახადო გირავნობა ან/და ყადაღა. მიმწოდებელი ვალდებულია, შემსყიდველს წარუდგინოს შესაბამისი დოკუმენტები (განახლებული ინფორმაცია საგადასახადო გირავნობისა ან/და ყადაღის თაობაზე), რომლითაც დასტურდება მის მიმართ ამ პუნქტში განსაზღვრული ვალდებულებების რეგისტრაციის არარსებობა.
3. შემსყიდველის მიერ ავანსის გადახდასთან დაკავშირებით დადებითი გადაწყვეტილების მიღების შემთხვევაში, მიმწოდებელი ვალდებულია, შემსყიდველს წარუდგინოს სსიპ - საქართველოს ეროვნული ბანკის ან სსიპ - საქართველოს დაზღვევის სახელმწიფო ზედამხედველობის სამსახურის მიერ ლიცენზირებული საბანკო დაწესებულების ან სადაზღვევო ორგანიზაციის მიერ გაცემული, ავანსის იდენტური ოდენობის საბანკო გარანტია,

რომლის მოქმედების ვადა 60 (სამოცი) კალენდარული დღით უნდა აღემატებოდეს მომსახურების მიწოდების ვადას.

4. ავანსის იდენტური ოდენობის საბანკო გარანტია თავისი შინაარსით უნდა იყოს უპირობო და შემსყიდველს უნდა აძლევდეს უფლებას, ავანსის იდენტური ოდენობის საბანკო გარანტიის გამცემი დაწესებულებისგან პირველივე მოთხოვნისთანავე მიიღოს შესაბამისი თანხა.
5. მიმწოდებელს ავანსის სახით შეუძლია გაიტანოს ხელშეკრულების ღირებულების 100 %-ს.
6. მიმწოდებელი ვალდებულია ავანსი გამოიყენოს მხოლოდ ხელშეკრულებასთან დაკავშირებული ვალდებულებების შესასრულებლად.
7. ავანსის გაქვითვა მოხდება პროპორციულად, ფაქტობრივად გაწეული მომსახურების ღირებულების ოდენობით, რა პროცენტული ოდენობითაც გაიცა ავანსი. ავანსის გადახდა მოხდება უნაღდო ანგარიშსწორების ფორმით მიმწოდებლის მიერ ამ მუხლის მე-3 პუნქტით გათვალისწინებული საბანკო გარანტიის შემსყიდველისთვის წარდგენის შემდეგ.

მუხლი 6. მომსახურების შესაბამისობა

1. ხელშეკრულების პირველი მუხლით გათვალისწინებული მომსახურება მიმწოდებლის მიერ უნდა შესრულდეს ჯეროვნად, ნორმებისა და წესების და შემსყიდველის მოთხოვნების შესაბამისად.
2. ამ მუხლის პირველ პუნქტში განსაზღვრული წესებიდან და ნორმებიდან მიმწოდებლის მხრიდან ნებისმიერი გადახვევის შემთხვევაში, შემსყიდველი უფლებამოსილია, არ მიიღოს გაწეული მომსახურება ან/და მიმწოდებლის მიმართ გამოიყენოს ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

მუხლი 7. კონტროლი (ინსპექტირება)

1. ხელშეკრულებით გათვალისწინებული ვალდებულებების შესრულების, გაწეული მომსახურების მოცულობის, ხარისხისა და შესრულების ვადების დაცვის კონტროლს (ინსპექტირება) ახორციელებს მერის ბრძანებით შექმნილი კომისია.
2. ხელშეკრულების მოქმედების პერიოდში, ხელშეკრულების შესრულების ნებისმიერ ეტაპზე, შემსყიდველი უფლებამოსილია, განახორციელოს ხელშეკრულებით გათვალისწინებული ვალდებულებების შესრულების კონტროლი (ინსპექტირება).
3. მიმწოდებელი ვალდებულია, საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტ(ებ)ის აღმოფხვრა და კონტროლის (ინსპექტირების) ხელახლა განხორციელებასთან დაკავშირებული ხარჯების ანაზღაურება.
5. მომსახურების გაწევის პროცესში, მიმწოდებელი ვალდებულია უზრუნველყოს ზედამხედველობისა და კონტროლის განმახორციელებელი პირის/პირების მიერ გაცემული, როგორც ზეპირი, ასევე, წერილობითი რეკომენდაციების და მითითებების შესრულება.

მუხლი 8. ფორს-მაჟორი

1. მხარეები თავისუფლდებიან ხელშეკრულებით გათვალისწინებული ვალდებულებ(ებ)ის შეუსრულებლობით ან/და არაჯეროვნად შესრულებით გამოწვეული პასუხისმგებლობისაგან, თუ ვალდებულებ(ებ)ის შეუსრულებლობა ან/და არაჯეროვანი შესრულება გამოწვეულია დაუძლეველი ძალის (სტიქიური უბედურება, ეპიდემია, ომი, კარანტინი, საქონლის მიწოდებაზე ემბარგოს დაწესება, საბიუჯეტო ასიგნებების მკვეთრი შემცირება, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომელთა წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს- მაჟორი).
2. მხარე, რომელსაც ხელშეკრულებით გათვალისწინებული ვალდებულებ(ებ)ის შეუსრულებლობის ან/და არაჯეროვნად შესრულების მიზეზად ფორს-მაჟორი მოჰყავს, ვალდებულია, დაუყოვნებლივ, მაგრამ ფორს-მაჟორის მოვლენის დადგომიდან არაუგვიანეს 5 (ხუთი) სამუშაო დღისა, წერილობით აცნობოს მეორე მხარეს ასეთი მოვლენის დადგომისა და მისი სავარაუდო აღმოფხვრის ვადის შესახებ; წინააღმდეგ შემთხვევაში იგი არ თავისუფლდება ხელშეკრულებით გათვალისწინებული ვალდებულებ(ებ)ის შეუსრულებლობით ან/და არაჯეროვნად შესრულებით გამოწვეული პასუხისმგებლობისაგან. ამასთან, მეორე მხარის მოთხოვნის შემთხვევაში, შესაბამისმა მხარემ უნდა წარადგინოს ფორს-მაჟორის არსებობის დამადასტურებელი დოკუმენტი, და დაასაბუთოს, რომ ფორს-მაჟორმა არსებითად ხელი შეუშალა მხარეს ხელშეკრულებით გათვალისწინებული ვალდებულებ(ებ)ის შესრულებაში.

მუხლი 9. პასუხისმგებლობა

1. ხელშეკრულებით გათვალისწინებული ვალდებულებ(ებ)ის შეუსრულებლობის ან არაჯეროვნად შესრულებისათვის დამრღვევი მხარე ვალდებულია, მეორე მხარის მოთხოვნისთანავე გადაუხადოს მას პირგასამტეხლოს სახით ხელშეკრულების ღირებულების 1%. ასეთი მოთხოვნის მიღებიდან არაუგვიანეს 5 (ხუთი) სამუშაო დღეში და უზრუნველყოს დარღვეული ვალდებულების დაუყოვნებლივ გამოსწორება, გარდა ამ მუხლის მეორე პუნქტით განსაზღვრული შემთხვევისა.

3. იმ შემთხვევაში, თუ ხელშეკრულებით გათვალისწინებული ვალდებულებ(ებ)ის დარღვევის გამო მიმწოდებლისთვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 2%-ს, შემსყიდველს უფლება აქვს, ცალმხრივად შეწყვიტოს ხელშეკრულება.

4. ამ მუხლის პირველი პუნქტის საფუძველზე მიმწოდებლისთვის დაკისრებული პირგასამტეხლოს დადგენილ ვადაში გადაუხდელობის შემთხვევაში, შემსყიდველი უფლებამოსილია, მიმწოდებელს შესრულებული სამუშაოების ღირებულებიდან დაუკავოს თანხა დაკისრებული პირგასამტეხლოს ოდენობით და მოახდინოს ურთიერთმოთხოვნათა გაქვითვა საქართველოს კანონმდებლობის შესაბამისად.

5. მიმწოდებლის მიერ ხელშეკრულებით გათვალისწინებული ვალდებულებ(ებ)ის შეუსრულებლობით ან არაჯეროვნად შესრულებით მესამე პირისათვის მიყენებული ნებისმიერი სახის ზიანის ანაზღაურების ვალდებულება ეკისრება მიმწოდებელს.

6. მიმწოდებლის მიერ ჩადენილი საქართველოს ადმინისტრაციულ სამართალდარღვევათა კოდექსით გათვალისწინებული სამართალდარღვევისათვის, შემსყიდველისათვის დაკისრებული ადმინისტრაციული სახდელისათვის პასუხისმგებლობა ეკისრება მიმწოდებელს.

7. მიმწოდებელს ეკისრება სრული პასუხისმგებლობა ტექნიკური დავალებით გათვალისწინებული ვალდებულებ(ებ)ის დარღვევის შემთხვევაში წარმოშობილ ზიანზე.

მუხლი 10. ხელშეკრულების შეწყვეტა

1. ხელშეკრულების ერთ-ერთი მხარის მიერ ხელშეკრულების ვალდებულებ(ებ)ის შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია, მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

2. ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს ხელშეკრულებით განსაზღვრული სხვა პირობების შესრულებისაგან.

3. ხელშეკრულების შეწყვეტა ურთიერთშეთანხმების საფუძველზე ხორციელდება მხარეთა შორის დანართის გაფორმების გზით.

4. მხარეთა შეუთანხმებლობის შემთხვევაში ხელშეკრულების თითოეულ მხარეს უფლება აქვს, ცალმხრივად, წერილობითი ფორმით შეწყვიტოს ხელშეკრულება.

5. შემსყიდველი უფლებამოსილია, ვადამდე, ცალმხრივად შეწყვიტოს ეს ხელშეკრულება თუ:

ა) მიმწოდებელი არღვევს (არ ასრულებს ან არაჯეროვნად ასრულებს) ხელშეკრულებით განსაზღვრულ ვალდებულებას/ვალდებულებებს;

ბ) მიმწოდებლის მიმართ მიმდინარეობს გაკოტრების ან გადახდისუუნარობის საქმისწარმოება (მიუხედავად მისი დაწყების დროისა);

გ) მიმწოდებლის ქონებას დაედო ყადაღა, თუ ეს გარემოება ზეგავლენას ახდენს ან შესაძლებელია, ზეგავლენა მოახდინოს ხელშეკრულები გათვალისწინებული ვალდებულებ(ებ)ის შესრულებაზე;

დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია, მოახდინოს ხელშეკრულებით გათვალისწინებული ვალდებულებ(ებ)ის შესრულებაზე;

ე) მიმწოდებლის მიმართ დაკისრებული პირგასამტეხლოს ოდენობამ გადააჭარბა ხელშეკრულების ღირებულების 2%-ს;

ვ) ხელშეკრულების გაფორმების შემდეგ შემსყიდველისათვის ცნობილი გახდა, რომ მიმწოდებელმა ხელშეკრულების დადების მიზნით ჩაიდინა არაკეთილსინდისიერი ქმედება;

ზ) ხელშეკრულების ფარგლებში გასაწევი მომსახურება სრულად გადასცა ქვეკონტრაქტორს; თ) საქართველოს კანონმდებლობით გათვალისწინებულ სხვა შემთხვევებში.

6. მიმწოდებლის მიერ ხელშეკრულების თვითნებურად შეწყვეტის შემთხვევაში მიმწოდებელს დაეკისრება პირგასამტეხლო ხელშეკრულების ღირებულების 10%-ის ოდენობით.

მუხლი 11. უფლებების გადაცემა

1. ხელშეკრულების არც ერთ მხარეს არა აქვს უფლება, გადასცეს მესამე პირს ხელშეკრულებით განსაზღვრული თავისი უფლებები და მოვალეობები მეორე მხარის წერილობითი თანხმობის გარეშე, გარდა კანონით გათვალისწინებული შემთხვევებისა.

2. ხელშეკრულების ფარგლებში მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით. **მუხლი 12. შეტყობინება**

1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, უნდა გაიგზავნოს წერილის, დეკემის, ოფიციალური ელექტრონული ფოსტის (chiaturation.contact@chiaturation.gov.ge) ან ფაქსის სახით, ორიგინალის შემდგომი წარდგენით, ხელშეკრულებაში მითითებულ მეორე მხარის მისამართზე : knikoleishvili@yahoo.com

2. შეტყობინება ძალაში შედის ადრესატის მიერ მისი მიღების დღეს ან შეტყობინებაში ძალაში შესვლისათვის დადგენილ დღეს იმის მიხედვით, თუ ამ თარიღებიდან რომელი უფრო გვიან დგება.

მუხლი 13. სხვა პირობები

1. ხელშეკრულებაში შესატანი ნებისმიერი ცვლილება ან დამატება უნდა გაფორმდეს მხარეთა შორის წერილობითი შეთანხმების საფუძველზე ხელშეკრულების დანართის გაფორმების გზით. ამ პუნქტის შესაბამისად გაფორმებული ხელშეკრულების დანართი მხარეთა ხელმოწერისთანავე წარმოადგენს ხელშეკრულების განუყოფელ ნაწილს.

2. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, რა დროსაც დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

3. ხელშეკრულება რეგულირდება საქართველოს კანონმდებლობით.

4. მხარეთა შორის წარმოშობილი სადავო საკითხები წყდება ურთიერთშეთანხმების გზით. მხარეთა მიერ შეთანხმების მიუღწევლობის შემთხვევაში დავა გადაწყდება საქართველოს სასამართლოს მეშვეობით საქართველოს კანონმდებლობის შესაბამისად.

5. ხელშეკრულება შედგენილია ქართულ ენაზე, ელექტრონულად.

6. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

7. მიმწოდებლის სატენდერო წინადადება - ფასების ცხრილი თან ერთვის ხელშეკრულებას და წარმოადგენს მის განუყოფელ ნაწილს.

მუხლი 14. ხელშეკრულების მოქმედების ვადა

ხელშეკრულების მოქმედების ვადა განისაზღვრება 2024 წლის 28 თებერვლის ჩათვლით.

მხარეთა ხელმოწერები:

შემსყიდველი:

მიმწოდებელი:



INVOICE #23/017

ჭიათურა
4 იანვარი

დასახელება	რაოდენობა	ფასი. ერთ	ჯამი
გასართობი პროგრამა			
თეატრალური კვარტეტი	1	6,505.10 ლ	6,505.10 ლ
გუფილენდი	1	12,000.00 ლ	12,000.00 ლ
ლონისძიების წამყვანი _ კახა მიქიაშვილი	1	3,252.55 ლ	3,252.55 ლ
dj	1	1,301.02 ლ	1,301.02 ლ
დრამ შოუ (15 კაციანი)	1	7,300.00 ლ	7,300.00 ლ
მონაწილეების ტრანსპორტირება და სასტუმრო	1	5,750.00 ლ	5,750.00 ლ
სანტა	1	600.00 ლ	600.00 ლ
ელფები (სანტას დამხმარე)	2	600.00 ლ	1,200.00 ლ
ოჩოფეხები	4	700.00 ლ	2,800.00 ლ
საახალწლო ირმები	2	700.00 ლ	1,400.00 ლ
გნომები	4	600.00 ლ	2,400.00 ლ
თოვლის გუნდები	2	800.00 ლ	1,600.00 ლ
თეთრი დათვი	6	1,500.00 ლ	9,000.00 ლ
კოსტიუმირებული ჯანჯაფილის ორცხობილები	1	1,200.00 ლ	1,200.00 ლ
მასკოტები	6	670.00 ლ	4,020.00 ლ
საბავშვო აქტივობები			
საახალწლო ორცხობილების მოხატვა (100 ცალი)	1	800.00 ლ	800.00 ლ
ნაძვის ხის სათამაშოს გაფერადება (100 ცალი)	1	800.00 ლ	800.00 ლ
საახალწლო კერამიკის ფიგურების დამზადება (100 ცალი)	1	700.00 ლ	700.00 ლ
კერამიკის, ან ხის საახალწლო ფიგურების გაფერადება (100 ცალი)	1	800.00 ლ	800.00 ლ
საახალწლო ქისების, მისალოცი ბარათების, ჯინჯერის სათამაშოების დამზადება (100 ცალი)	1	800.00 ლ	800.00 ლ
სახის მოხატვა	1	650.00 ლ	650.00 ლ
საკვები სივრცის მოწყობა (კრეპები, ჰოთდოგები, გლინტვეინი, ცხელი შოკოლადი და გამაგრებული სასმელები)	1	5,000.00 ლ	5,000.00 ლ

დეკორაცია/ინსტალაცია			
სანტას საახალწლო სახლი (ზომა 3მეტრი სიგრძე, 2.5 სიღრმე, სიმაღლე 2.5მ)	1	5,000.00 ლ	5,000.00 ლ
საახალწლო ინსტალაცია - ლაპლანდიის მაკეტი	1	3,532.00 ლ	3,532.00 ლ
საახალწლო ინსტალაცია განათებით (მოსასვენებელი სივრცისთვის) ზომა: დიამეტრი 1.30მ; სრული სიმაღლე 1.80მ; სკამის სიმაღლე 35სმ;	2	3,008.00 ლ	6,016.00 ლ
აქტივობების მანიშნებელი (განათებული)	1	950.00 ლ	950.00 ლ
ფოტოზონა #2 ხის ჩარჩოთი და ნაძვისხის სათამაშოებით	1	2,575.00 ლ	2,575.00 ლ
შაპიტო საბავშვო აქტივობებისთვის (16კვმ)	2	2,008.00 ლ	4,016.00 ლ
საახალწლო ჯიხურის მოწყობა-გაფორმება	5	742.00 ლ	3,710.00 ლ
ქურის გირლანდები (400მ)	400	6.85 ლ	2,740.00 ლ
მოსასვენებელი სივრცის მოწყობა (პალეტები, მყარი პუფები, თემატურად მოხატული კასრები)	1	1,675.00 ლ	1,675.00 ლ
კვების ჯიხური საახალწლო გაფორმებით	1	2,365.00 ლ	2,365.00 ლ
სცენის დეკორაცია	1	2,000.00 ლ	2,000.00 ლ
ფოიერვერკი	1	3,000.00 ლ	3,000.00 ლ
ნაძვისხეები	2	865.00 ლ	1,730.00 ლ
საახალწლო საჩუქრები ბავშვებისთვის (ქისა, შოკოლადები, ნაძის ხის სათამაშო)	150	17.00 ლ	2,550.00 ლ
პოლიგრაფიული მომსახურება			
ვიმპელები საახალწლო ვიზუალით (500მ)	1	2,500.00 ლ	2,500.00 ლ
ტექნიკური აღჭურვილობა			
განათება, განმარტება, სცენა, გადახურვა	1	16,949.16 ლ	16,949.16 ლ
ლიხტვაგენი	1	2,372.88 ლ	2,372.88 ლ
გამათბობლები	10	100.00 ლ	1,000.00 ლ
ჯებირი	33	30.00 ლ	990.00 ლ
საორგანიზაციო ჯგუფი			
პროდაქშენ მენეჯერი/ლოკაციის მენეჯერი	4	2,602.04 ლ	10,408.16 ლ

მხატვარ-დეკორატორი	1	2,602.04 ლ	2,602.04 ლ
ტექნიკური მენეჯერი	2	1,301.02 ლ	2,602.04 ლ
ტექნიკური პერსონალი	4	650.51 ლ	2,602.04 ლ
ფოტოგრაფის მომსახურება	1	1,561.22 ლ	1,561.22 ლ
სამივლინებო ხარჯები	1	3,691.33 ლ	3,691.33 ლ
ტრანსპორტირების ხარჯები	3	2,300.00 ლ	6,900.00 ლ
სულ ხარჯი დღგ-ს გარეშე			165,916.55 ლ
მოგება 5%			8,295.83 ლ
დღგ 18%			31,358.23 ლ
სულ ხარჯი დღგ-ს ჩთვლით			205,570.61 ლ

შპს რუბიკონ გრუფი; ს/კ 405525999
 მის.: ქ. თბილისი, კარტოზიას ქ. 10
 ბანკის კოდი - BAGAGE22
 ანგარიშის ნომერი - GE55BG0000000534239251
 დირექტორი: ქეთევან ნიკოლეიშვილი

Ketevan
 Nikoleishvili
 01017018282

Digitally signed
 by Ketevan
 Nikoleishvili
 Date: 2023.12.07
 22:39:47